




ԵԿԵՂԵՑԱԿԱՆ ԲԵՄ. ԼՈՒՐԵՐ

Հունիսի 16-ին, կիրակի.— Այսօր Մայր տաճարի Ավագ սեղանի վրա ս. պատարագ է մատուցում Ս. Հայկապուն վրդ. Նաջարյանը:

«Հայր մեր»-ից առաջ պատարագիչ հայր սուրբը քարոզ է խոսում «Ձողորմության կամիմ և ոչ փոխ» (Մատթ. ԺԲ 13) բնաբանով:

Ս. պատարագին ներկա էր Վեհափառ Հայրապետը:

Հունիսի 23-ին, կիրակի.— Այսօր Մայր տաճարի Ավագ սեղանի վրա ս. պատարագ է մատուցում Ս. Թորգոմ վրդ. Խարապյանը:

«Հայր մեր»-ից առաջ պատարագիչ հայր սուրբը քարոզ է խոսում «Ո՛չ գիտեք եթե տաճար էք Աստուծոյ, եւ Հոգի Աստուծոյ բնակեալ է ի ձեզ» (Ա Կորնթացիս Գ 16) բնաբանով:

Իր քարոզում հայր սուրբը, բացատրելով «տաճար» բառի իմաստը, նշում է, որ «Աստված սիրում է բնակվել կենդանի Աստուծո կենդանի տաճարների՝ մարդկանց մեջ: Հետևաբար մարդիկ պարտավոր են մաքուր, անաղարտ պահել իրենց սրտերը՝ որպես Սուրբ Երրորդության բնակարան»:

Հունիսի 27-ին, հինգշաբթի.— Սրբոց թարգմանչացն մերոց Սահակայ և Մեսրոպայ:

Այսօր Օշականի Ս. Մեսրոպ Մաշտոց եկեղեցում տեղի է ունենում «Եկեղեցական հանդես»:

Օրվա պատարագիչն է Օշականի վանահայր Ս. Բագրատ արք. Գալստյանը:

«Հայր մեր»-ից առաջ պատարագիչ հայր սուրբը քարոզ է խոսում «Երանի իցե ծառայիցն այնոցիկ փոքս եկեալ Տէրն գտցէ արթունս» (Ղուկաս ԺԲ 37) բնաբանով:

Հունիսի 30-ին, կիրակի.— Գիւտ տփոյ Սրբուհոյ Աստուածածնի:

Այսօր Մայր տաճարի Ավագ սեղանի վրա ս. պատարագ է մատուցում Ս. Նարեկ քնն. Մատարյանը:

«Հայր մեր»-ից առաջ տեղի հայրը քարոզ է խոսում «Ճանաչել փմաստութիւն և ըզխրատ, իմանալ զբանս հանճարոյ» (Առակաց Ա 1) բնաբանով:

Իր խոսքի մեջ տեղի հայրը անդրադառնում է Ս. Մեսրոպ Մաշտոցի, Ս. Սահակի և թարգ-

Եւանիշ վարդապետների գործունեությանը՝ ընդգծելով գրերի գյուտի դերը հայ ժողովրդի մշակութային վարձագման և ազգային ինքնություն դիմագիծ ստեղծելու համար:

Ս. պատարագին ներկա էր Վեհափառ Հայրապետը:

*
* *

Հուլիսի 7-ին, կիրակի.— Այսօր Մայր տաճարի Ավագ սեղանի վրա ս. պատարագ է մատուցում Ս. Խաչատուր քին. Ֆրանգյանը:

«Հայր մեր»-ից առաջ պատարագից տեղ հայրը քարոզ է խոսում «Գնացէք այսուհետև աշակերտեցէք վամենայն հեթանոսս, մրկըտեցէք վնոսս յանուն Հօր և Որդւոյ և Հոգւոյն Սրբոյ» (Մատթ. ԻԸ 19) բնաբանով:

Տեղ հայրը նշում է, որ «Քրիստոսի ծնունդը մարդկության համար բացեց նոր դարաշրջան, կյանքի նոր իմաստավորում: Այդ նոր կյանքի ճանապարհի հարթոցները եղան Քրիստոսի աշակերտները»:

Այնուհետև համառոտակի անդրադառնում է առաքյալների կյանքին ու գործունեությանը:

*
* *

Հուլիսի 10-ին, չորեքշաբթի.—Այսօր, երեկոյան, Բյուրականի «Հայկաշէն» հայրապետական ամառանոցում Վեհափառ Հայրապետի նախագահությամբ տեղի է ունենում Գերագույն Հոգևոր Խորհրդի հերթական նիստը:

*
* *

Հուլիսի 14-ին, կիրակի.—Վարդավառ: Պայծառակերպություն Տեառն մերոյ Յիսուսի Քրիստոսի:

Այսօր Մայր տաճարի Ավագ սեղանի վրա ս. պատարագ է մատուցում Ս. Ներսես եպս. Պոպապայանը:

«Հայր մեր»-ից առաջ պատարագից սրբապանը քարոզ է խոսում «Որ ի լերինն այլակերպեալ ցուցեր վաստուածային քո վօրու-

թիւնդ. վքեզ փառաւորեմք իմանալի լոյս» (Շարական) բնաբանով:

Իր քարոզում սրբապան հայրը Վարդավառի ավանդական ազգային իմաստը բացատրելուց հետո անդրադարձավ նրա քրիստոնեական իմաստին: Նկարագրելով Քրիստոսի պայծառակերպության ավետարանական դրվագը, երբ մեր Տեղ Հիսուս Քրիստոս իր ճշմարիտ փառավորյալ դեմքը ցույց տվեց իր մի խումբ աշակերտներին, պատարագից սրբապանը ի մասնավորի նշեց, որ Քրիստոս Թաքոր լեռան վրա մի ակնթարթ մարդկության աչքի առջևից վերցրեց խավարի վարագոյրը՝ ցույց տալու համար իր Աստվածությունը: Քարոզից սրբապանը մաղթեց, որ այսօր ևս պայծառակերպյալ մեր Տեղը իր ճշմարիտ դեմքը ցույց տա մարդկությանը՝ նրանց հրավիրելով դեպի եղբայրասիրություն, որպեսզի մարդիկ աշխարհի վրա ապրեն խաղաղ ու բարօր:

*
* *

Հուլիսի 15-ին, երկուշաբթի.—Յիշատակ մեռելոց:


Այսօր Մայր տաճարի Ավագ սեղանի վրա ս. պատարագ է մատուցում Ս. Գրիգոր քին. Տերտերյանը:

Հավանոր ս. պատարագի կատարվում է հոգեհանգստյան պաշտոն «վասն համօրէն ննջեցելոց»:

*
* *

Վեհափառ Հայրապետի բարեհաճ կարգադրությամբ ուսման և հովվական ծառայության համար արտասահման են գործուղվել Մայր Աթոռի մի շարք միաբաններ.

1. Ս. Թորգոմ վրդ. Խարապյան (Վանադա, 1985 թ. հուլիս).
2. Ս. Ասողիկ աբղ. Արիստակեսյան (Ֆրանսիա, 1985 թ. փետրվար).
3. Ս. Շնորհք աբղ. Բաղդասարյան (Անգլիա, 1985 թ. հունիս).
4. Ս. Ղևոնդ քին. Հարությունյան (Արգենտինա, 1985 թ. հունիս).
5. Ս. Վարդան քին. Մկրտչյան (Հնդկաստան, 1985 թ. հուլիս):





ՎԵՀԱՓԱՌ ՀԱՅՐԱՊԵՏԸ ԵՎ ԿԱՆԱԴԱՅԻ ՆԱԽԿԻՆ ՆԱԽԱՐԱՐԱՊԵՏ (ՊՐԵՄԻԵՐ-ՄԻՆԻՍՏՐ)
ՊՐՆ. ՊԻԵՌ ՏՐՅՈՒԴՈՆ ՎԵՀԱՐԱՆՈՒՄ (2 ՀՈՒԼԻՍ 1985 Թ.)